

**EXPLORA SAN NICOLAS
SU MONUMENTONAN
Y HISTORIA DURANTE
OPEN MONUMENTENDAG**



WWW.SOLODIPUEBLO.COM




SOLODIPUEBLO@GMAIL.COM


**DAMA CHAUFFEUR A BRAKE
PA UN GRUPO DI SCOOTER
SU DILANTI Y PERDE
CONTROL KENTEL Y SU AUTO
A PEGA NA CANDELA**



**DESPUES DI A
SER ATRACA Y
MALTRATA VICTIMA
A BAY BATI ALARMA
NA STRANDPOLITIE**



**EXPLORA
SAN
NICOLAS SU
MONUMEN-
TONAN Y
HISTORIA
DURANTE
OPEN**



**RONELLA CROES NA SARAH
QUITA OFFRINGA:
"SIGUI BRIYA MANERA E
STREA RIBA NOS BANDERA"**



Partido MEP

PARLAMENTARIONAN XIOMARA MADURO Y ROCCO TJON LO TA DEN E PROGRAMA RADIAL “INTERES DI PUEBLO” DIASABRA AWOR

Tur diasabra di 11or mainta pa 1or di merdia ta hasi entrevista riba temanan actual via radio Top FM.

Diasabra awor, 31 di Mei lo tin como invitado parlamentarionan Xiomara Maduro & Rocco Tjon.

Durante e mainta aki, nan lo elabora riba varios topico cayente, y preocupacionnan cu tareina den comunidad.

Partido Movimiento Electoral di Pueblo MEP ta invita comunidad completo pa sintonisa e programa INTERES di PUEBLO diasabra awor 31 di Mei di 11or di mainta pa 1or di merdia via radio Top FM 95.1



DESPUES DI A SER ATRACA Y MALTRATA VICTIMA A BAY BATI ALARMA NA STRANDPOLITIE



Diahuebs anochi un homber local a bay na Strandpolitie pa informa di un caso di atraco cu maltrato cu a sosode cun'e. Segun e homber ela ser atraca y maltrata. Polis a tuma su declaracion y a mira cu e ta herida y tin hopi dolor. Polis a pidi un ambulans p'e mientras a warda atraco team. Na yegada di e ambulans nan a atende y a bay cun'e acompaña pa hospital.



EXPLORA SAN NICOLAS SU MONUMENTONAN Y HISTORIA DURANTE OPEN MONUMENTENDAG

Diadomingo awor 1 di juni, di 10:30 pa 17:00, edificionan historico y monumentonan den San Nicolas lo habri nan porta pa publico cu diferente actividad.

S t i c h t i n g Monumentenfonds Aruba den colaboracion cu Departamento di Cultura Aruba lo organisa e di dos edicion di Open Monumentendag. Pa medio di actividadnan, recoridonan den bus of na pia, speurtocht y presentacionnan, e comunidad lo por siña un tiki mas di e historia di San Nicolas y haya e oportunidad di conoce algun di e casnan y monumentonan.

E evento lo inicia na Watertoren San Nicolas caminda lo tin un apertura oficial pa 10:30 di mainta cu un bunita presentacion dirigi pa John Freddy Montoya, acompaña pa Mabelline Arends Croes cu coro Tutti Frutti y diferente agrupacionnan di baile. Na e Water Toren lo por ricibi e foyecto di informacion cu tur actividadnan na cual lo por participa e dia aki.

Algun monumentonan cu lo habri nan portanan:

Watertoren San Nicolas | Bernhardstraat 164: Punto di inicio pa ricibi foyeto di informacion

Museo di Industria lo tin un mini speurtocht paden y contamento di storia na e di dos piso cada trinta minuut.

Nicolaas Store | B v/d Veen Zeppenfeldstraat 27:

Bishita e museo di comunidad y siña un tiki di e historia di San Nicolas, participa na un mini speurtocht paden di e museo cu chens pa gana premio.

Uncle Louis Store | B v/d Veen Zeppenfeldstraat Cera conoci cu e edificio di Uncle Louis Store un monumento cu a gana 2 premio desde su restauracion. Haya informacion di e trabounan di Directie Natuur en Milieu y e arkitecto cual tabata encarga cu e restauracion.

Cas di Famia Vorst | Caya Dick Cooper 15

Bishita e prome cas di cunucu di San Nicolas y siña un tiki di e historia di famia Vorst.

Cas di Famia Hope | Caya Sint John 21

Un cas di cunucu di palo di mas di 90 aña bieuw, lo habri su portanan y pa 4 or di atardi lo tin un presentacion musical special di Watra.

Misa Santa Teresita Tambe lo habri su portanan e dia aki pa publico

Lo tin diferente actividad caminda lo por participa y cu chens pa gana premio.

Monument Hunt Participa cu famia na e Monumenthunt. Download of reinstala MyAruba app. Forma bo grupo y

participa pa gana premio. Pa mas informacion www.monumentenfondsaruba.com

Exposicion Biba nos Herencia. Un proyecto di 2 aña cu diferente retonan di fotografia, lo termina cu un exposicion durante e Open Monumentendag y un revista online crea pa e boluntarionan di e proyecto.

Na biblioteca Nacional San Nicolas lo tin diferente presentacion;

Lectura: San Nicolas den siglo 20 presenta pa Leon Berenos, lo hiba nos bek den e historia y desaroyo di San Nicolas.

E proyecto Wikipedia riba Aruba tambe lo presenta informacion di e proyecto y con e publico por contribui na amplia e informacion tocante Aruba su herencia cultural na Papiamento riba e enciclopedia mas grandi di mundo.

Tours:

Lo tin 3 diferente Toursnan cu guia den bus cu lo recore un parti mas grandi di San Nicolas.


E Bus lo Sali for di Teresita Center.

Pa 15:00 Lo tin un Mural tour cu guia di Tito Bolivar. Punto di inicio lo tan a Artisa.

Pa 15:45 lo tin un tour titula "Nostalgia" den Village bou di guia di Sr. Leon Berenos.

Punto di encuentro lo ta na e estatua di Lolita.

Arts, Crafts y Fotografia. Na Teresita Center lo tin



diferente actividadnan pa mucha, manera tayer di fotografia, tayer di pintura y obra di man.

Weganan riba Wiel:

IBISA y CEDE Aruba a pone WAW Mobiel disponible pa asina e muchanan cu bishita e Open Monumentendag lo por diberti haciendo movecion durante e evento.

Tayer di Pintura:

Space 21 y Artisa lo habri e portanan di nan galerianan pa un y tur por bishita y inspira.

Uza e inspiracion aki durante un tayer di pintura pa adulto pa 14:00 na Artisa.

San Nicolas Pop Up Market:

Bishita e pop Up Market na B v/d Veen

Zeppenfeldstraat pa artesanía, pasa boca y hopi mas.

Lo tin tambe diferente comerciantenan di San Nicolas cu lo habri nan porta e dia aki pa ofrece e publico lo mihor den sabor local di Aruba.


No perde e oportunidad pa bishita Open Monumentendag diadomingo awor dia 1 di juni cu henter famia, explora e monumentonan, conoce nan historia, participa den diferente actividadnan y cu chens pa gana hopi premio!

Pa mas informacion bishita nos pagina di Facebook: Stichting Monumentenfonds Aruba. Of Instagram: @monumentsfundaruba

Parlamentario Evelyn Wever-Croes

FRACCION DI MEP A REUNI CU STUDENTEN COMMISSIE ARUBA

“E comicion aki a wordo institui door di ex Prome Minister Evelyn Wever-Croes na februari ultimo como un comicion special pa yuda Arubahuis y e studiantenan di Aruba na Hulanda”




Prome Minister di Aruba, el a reuni cu e comicion aki aña pasa maart na Hulanda, y februari 2025 e comicion a wordo instala oficialmente como e miembro di conseho di e studiantenan p ayuda Arubahuis y Gobierno di Aruba.

pa asina por adapta na e luga nobo aki, y percura pa ora nan caba di studia tin trabou pa nan na Aruba. Un iniciativa importante di Gabinete Wever-Croes tabata pa evalua si e “mentor” na Hulanda

mester asisti studiantenan pa mas cu solamente e prome aña. E tabata un bon reunion. Mi ta deseana hopi éxito y gradici cada un di nan pa acepta e reto aki” Parlamentario Wever-Croes a expresa.

“Mi ta sumamente orguyoso di e hobennan aki. Nan tin hopi pasion pa yuda na conseha y guia e studiantenan na Hulanda. Ya caba nan a cuminsa inventarisa kico tur lo mester haci pa asina yuda e studiantenan di e miho manera. Por ehempel miho preparacion, y esaki por cuminsa mira caba bou guia di ex Minister Endy Croes cu tabata percura pa e studiantenan ta hopi miho prepara prome nan yega Hulanda. Tambe ta importante pa unabes e studiantenan yega Hulanda, nan tin e guia



Fraccion di MEP den Parlamento tabata tin un reunion interesante cu Studenten Commissie Aruba cu ta un comision di studiantenan na Hulanda. E comicion aki a wordo institui door di ex Prome Minister Evelyn

Wever-Croes na februari ultimo como un comicion special pa yuda Arubahuis y e studiantenan di Aruba na Hulanda. Parlamentario Evelyn Wever-Croes a indica cu durante su periodo como


DAMA CHAUFFEUR A BRAKE PA UN GRUPO DI SCOOTER SU DILANTI Y PERDE CONTROL KENTEL Y SU AUTO A PEGA NA CANDELA



Diabierna madrug a drenta informe di un accidente cu auto na candela na Palm Beach, mesora a dirigi tanto polis, ambulans y tambe bombero na e sitio. Na yegada di e patruya a bin compronde cu e dama chauffeur a topa un grupo di scooter meymey di caminda y a brake perde control bay banda robes dal e pilonnan te cu su Toyota Vitz a kentel y pega candela, e dama chauffeur mes a logra sali net prome cu e candela a cuminsa.

Durante e candela e dama kier a bay coy su celular den auto pero e testigonan a wante.

Na yegada di bomberonan a logra domina y paga e candela mesora. Na yegada di e ambulans nan a atende e dama na e sitio mes. Polis a nota cu e dama tabata burachi y a detene.



JARISSA BOEKHOUDT TA EMPLEADO SUPERIOR DI ARUBA BANK

28 di mei 2025 - Jarissa Boekhoudt ta empleado superior di Aruba Bank pa luna di april 2025. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Jarissa pa semper brinda un experiencia superior na e clientenan di Aruba Bank ta refleha e balornan di e banco. Su accionnan ta impacta e clientenan positivamente y ta pone un standard halto pa e excelencia di servicio na cliente.

Den su tempo liber, Jarissa gusta relaha y disfruta di mira e bahada di solo.

Pabien Jarissa pa ta un empleado ehemplar cu ta forma parti di Aruba Bank.



PREMIER MIKE EMAN TA DEDICA “PLAYA SARAH-QUITA” NA HONOR DI NOS BALUARTE DI WINDSURF DI ARUBA



Durante e dia di apertura di e competencia Aruba Hi-Winds 2025, Premier mr. Mike Eman hunto cu Minister di Deporte,

mr. Gerlien Croes y Minister di Turismo mr. Wendrick Cicilia, a dedica oficialmente e beach di Fisherman's Hut como



“ Sarah-Quita Beach”, den honor di e campeon mundial di windsurf mas celebra di Aruba, Sarah-Quita Offringa.

Durante un ceremonia emocional, mey mey di deportistanan, fanatico, oficialnan y comunidad Arubano en general, Premier Eman a rindi homenahe na e logro deportivo extraordinario y impresionante di Offringa y su legado duradero como un modelo pa Aruba y pa mundo.

“Awe nos ta celebra mas cu solamente un number pa un beach, nos ta celebra un legado,” Prome Minister Eman a bisa. “Sarah-Quita tabata apenas tres aña ora cu el a subi riba un tabla di surf pa prome biaha. For di e momento ey, e biento di Aruba a hib’e den un biahe mundial.”

Prome Minister a reconoce e papel importante di e famia di Sarah-Quita den

su trayectoria, incluyendo su mama Esther, ruman Quincy, y tata Ruud Offringa d.f.m.

“Ruud tabata semper na su banda, for di e prome rafaga te cu e victoria mas grandi. Apesar cu e no tey cu nos mas, awe e tin un sonrisa den shelo. Su espiritu, mescos cu e biento cu Sarah-Quita ta surf cu ne, ta semper presente,” Premier Eman a agrega.

E ceremonia tabata parti di e apertura di Aruba Hi-Winds 2025 y a tuma luga na un di e areanan cu mas ta destaca e deporte di Kitesurf y Windsurf, esta Fisherman's Hut. E decision di Gobierno di Aruba pa duna e beach aki e number di Sarah-Quita ta refleha e gran admiracion cu e pueblo di Aruba tin pa su logro y su caracter.

“Sarah-Quita no ta solamente un

campeon mundial. E ta e personificacion di dignidad, forsa y humildad, loke ta representa e miho di loke ta significa pa ta Arubiano,” Premier Eman a continua. “Awe e playa aki tin su number, pa e generacionnan di futuro sa: for di aki, grandesa por nace.”

E proposicion pa e number a ricibi aprobacion di Consejo di Minister y a manda esaki na Comision di Nomenclatura di Caya. Esaki ta un di e honornan mas halto otorga na un deportista Arubano na bida.

Premier Eman a finalisa su discurso cu un mensahe pa hubentud Arubano:

“Laga Sarah-Quita Beach sirbi como recordatorio cu bo soño por cuminsa aki mes riba nos costa, bao nos shelo y cu curashi y caracter, por yega tur caminda den mundo.”

ARUBA BANK WALK & RUN 2025 A CULMINA CU UN DONACION BUNITA NA YMCA ARUBA

Oranjestad, 30 di mei, 2025 – Aruba Bank Walk & Run a finalisa su 19 edicion cu hopi energia y participacion masal for di comunidad. Durante 4 dia, 2600 participante a core y cana riba diferente ruta, acumulando mas di 20 kilometer den ambiente pa yena nan metanan.

Aruba Bank ta dedica un parti di e ingreso for di registracion pa duna na un fundacion local cu ta haci un impacto positivo den nos comunidad. Pa 2025, nos ta orguyoso di a selecciona YMCA Aruba como recipiente di e donacion aki.

YMCA Aruba ta liderando un programa despues di skol dedica na mucha, ofresiendo un espasio sigur y educativo unda nan por desaroya nan talento, haci tarea y participa den actividadnan sportivo y creativo, mientras nan mayornan ta na trabao.

Edseline Leer, Head of Retail Banking y Roxanne Croes, Sr. Marketing Officer di Aruba Bank a bishita YMCA pa entrega e donacion oficialmente. Sra. Jennifer Caminata, directora di YMCA Aruba, conhuntamente cu Byanca Alvarado a expresa cu e



donacion lo yuda fortifica e programa vacacional cu nan ta planiando. “Nos ta profundamente agradeci pa e apoyo financiero, pero mas importante

aun, pa e reconocemento di e importansia di inversion den futuro di nos muchanan,” Sra. Caminata a expresa.

Aruba Bank ta honra di por yuda sosten e trabou valioso cu YMCA Aruba ta haci y ta compromete pa sigui inverti den bienestar di nos comunidad.

ACCIDENTE PA FALTA DI PREFERENCIA CU HENDE HERIDA NA ROTONDE BANDA DI SUPERFOOD



Diabierna merdia a drenta informe di un accidente cu hende herida na e rotonde banda di Superfood,

mesora a dirigi tabto polis como ambulans na e sitio. Na yegada di e patruya a bin compronde cu aki ta



trata di un accidente pa falta di preferencia entre un Toyota 4Runner y in Nissan Cube.

Debi na e fuerte impacto e dama di e Cube a resulta herida. Na yegada di e ambulans nan a atende e victima y a transporte pa hospital.



MINISTER WENDRICK CICILIA IMPRESIONA CU PASION Y PREPARACION DI STUDIANTENAN DI EPI



Diaranson merdia, den cuadro di e compromiso firme di Gobierno di Aruba pa fortifica nos pilar economico principal, Minister di Turismo, Transporte y Labor, mr. Wendrick Cicilia, a haci un

bishita oficial na e sector di hospitalidad di Colegio EPI. Durante e bishita, Minister Cicilia a atende un Travel EXPO na EPI organisa pa e studiantenan como clausura di nan curiculo.



Minister Cicilia a expresa su gran aprecio y admiracion pa e nivel di preparacion y pasion cu e hobennan a demostra. Locual e studiantenan a presenta den e Expo ta un demostracion di nan compromiso, creatividad y pasion pa un sector cu ta fundamental pa nos desaroyo economico.

E grupo di hoben cu a participa den e Travel EXPO ta duna e confiansa cu nan ta cla pa carga nos pilar economico principal y hiba nos turismo na e siguiente nivel.

E talento, disciplina y energia di e hobennan aki, ta testimonio cu Aruba su futuro ta den bon man.

Ministerio di Turismo lo sigui traha man den man cu Ministerio di Enseñansa y EPI pa amplia e oportunidadnan pa formacion y capacitacion di nos hobennan, pa asina garantisa un transicion efectivo entre educacion y e mercado laboral.



HUGO THEMEN TA PARTICIPA DEN IWF ELECTORAL CONGRESS NA RIYADH NA SAUDI ARABIA



For di 23 pa 25 mei 2025 Hugo Themen a participa pa pais Aruba na e IWF Electoral Congress cu a tuma lugar den e ciudad di Riyadh na Suadi Arabia.

Den e Congreso Electoral aki tabata tin un participacion di 168 pais rond di mundo cu por a vota y ta forma parti di Internacional Weightlifting Federation. E congreso a wordo tene den e ballroom di Intercontinental Riyadh Hotel.

Dia 24 mei 2025 e Congreso Electoral a wordo habri cu palabra di Bon Bini na tur pais presente di HH Prince Fahad bin Jalawi Bin Abdulaziz Al Saud sigi pa Sr. Mohammed Jalood Preidente di International Weightlifting Federation.

Despues a sigi cu e eleccion pa eligi un IWF Executive Board nobo pa e periodo 2025-2029. Como presidente di IWF a wordo eligi Sr, Mohammed Jalood for di IRAK, Vice President Ms. Ursula Papadrea (USA), General

Secretary Mr. Jose Quiñones (PER) Dos Vice Presidente nobo tambe a wordo elegi cu ta Mr. Mohammed Al-Harbi (KSA) y Mr. Chengliang Liu (CHN) cu tambe lo forma parti como miembro di IWF Executive Board.

Riba di dos dia a wordo elegi miembronan nobo pa e e siguiente Committee di IWF Executive Board cu ta pa Technical Committee, Coaching and Research Committee, Medical Committee, Development and Education Commission y Development and Education Commission.

Na final di e Electoral Congress e Presidente di International Weightlifting Federation Mr. Mohammed Jalood ta gradici tur presente y ta desea nan tur un bon regreso pa nan pais.

Aruba Amateur Weightlifting Association kier a manda palabra di gradicimento na International Weightlifting Federation cu a cubri e gasto di viaje y estadia di Sr. Hugo Themen cu a representa pais Aruba como delegado den e IWF Electoral Congress na Riyadh na Saudi Arabia.



**HOMBER DI 86 AÑA A DAL
ABAO KAP SU CABES RIBA E.J.
“WATTY” VOS BLVD.**



Diabierna atardi a drenta informe di cu tin un homber di 86 aña a dal abao canando riba E.J.”Watty” Vos blvd., mesora a dirigi un ambulans na e sitio. Na yegada di e ambulans nan a atende pa e kap y a transporte pa hospital.



Clasificados

SOLODIPUEBLO@GMAIL.COM
CEL.585 9500

TA BENDE:
Pick-UP CHEVROLET 1999
S-10(US) 4 CYL. LONGBED



Afl: 2700,= As-is
Info: 5697787

TA BENDE:
BBQ GRILL
TIPO CRIYOYO I
DURADERO



INFO JAMA:
5697787

Parlamentario Stephany Sevinger:

COOPERACION CU MARYLAND TA HABRI PORTA PA BECA, DEPORTE Y RENOVACION ECONOMICO



ORANJESTAD (28 di mei 2025) – Honorabel miembro di Parlamento, Stephany Sevinger a regresa di su reunionnan oficial den e estado di Maryland, Estados Unidos, cu un bista positivo riba e lasonan existente y e gran potencial pa ampliacion di cooperacion entre Aruba y es estado strategico banda di capital Washington D.C. El a comparti e detayenan durante e conferencia di prensa semanal di partido AVP. Ta asina, por ehempel, cu Aruba ya tin un Memorandum of Understanding (MOU) firma cu e estado di Maryland y e reunion reciente a sirbi como un momento pa no solamente reactiva e acuerdo aki, pero tambe pa explora rumbonan nobo di colaboracion. “Nos a sinta cu un di nan representantenan y nos a mira cu tin hopi interes pa amplia e cooperacion, specialmente den tereno di deporte, intercambio

educativo y infraestructura innovativo,” segun Sevinger.

“Nan tin interes pa organisa torneo deportivo na Aruba, unda nos hobennan por siña, intercambia y crece den ambiente deportivo positivo. E intercambio tambe por habri porta pa nos hobennan bay studia na Maryland, caminda

beca y programanan educativo ta realmente disponibel y amplio,” Sevinger a destaca.

Durante e bishita, Sevinger a tuma nota tambe di un desaroyo innovativo den Maryland cu por sirbi como inspiracion pa Aruba. “Nan a transforma terenonan industrial bandona den area nobo yama Trade Port Atlantic, un hub pa comercio, turismo y recreacion. Esaki ta sumamente relevante pa Aruba, mirando nos realidad actual cu e refineria. Nan a yega na solucion y nos por siña hopi for di nan experiencianan pa posiblemente aplica den nos contexto,” segun Sevinger.

Aparte di comercio y educacion, e dialogonan tambe a cubri tema climatico y siguridad. Maryland, como un estado banda di lama, ta enfrenta mes tipo di desafionan climatico manera Aruba. “Nos a topa cu departamento di siguridad, di educacion y otro entidad estatal. Esaki ta muestra

cu Maryland ta comprometi den un colaboracion serio y sostenibel cu Aruba. Ya nos tin base y relacionnan formal y awo nos tin e oportunidad pa fortalece esey y avansa hunto.”

Stephany Sevinger a enfatisa e importancia strategico di Maryland como un partner: “Maryland ta cerca di Washington D.C. y su posicion ta haci e estado aki relevante no solamente pa Aruba, pero pa strategia regional. E cooperacion cu nan por trece beneficianan concreto pa nos pueblo — educativo, comercial, deportivo y ambiental.”

E parlamentario ta pone cla cu Aruba mester busca alianza cu ta genera resultado. “Nos mester traha cu paisnan y estadonan cu por yuda nos crece y diversifica. Maryland a muestra cu nan ta habri pa esey, y Aruba ta cla pa sigui traha riba e relacion aki den manera structural y transparente.”


















Chauffeur bao influencia deteni despues di a core cu velocidad halto y a subi paperclip rotonde



Diahuebs anochi a drenta informe di un accidente na e rotonde paperclip,



mesora a dirigi un patruya na e sitio. Na yegada di e patruya a bin compronde cu e chauffeur bao influencia tabata bini cu velocidad halto y no a baha esaki yegando e rotonde aki a brake na ultimo momento pero no a logra para y a subi e rotonde pa un distancia casi otro banda a para pasobra e auto su wiel a kibra. Polis a test e chauffeur y esaki a sali malo p’e ya cu nan a detene y transporte pa warda di polis.


<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado: Sorteo di Merdia - May 30, 2025</div>		
<div></div> <div>Sorteo # 4635</div> <div>2896</div> <div>6358</div> <div>3317</div> <div></div> <div>FP</div> <div></div> <div>Sorteo # 4635</div> <div>6025</div> <div></div> <div>FP</div> <div></div> <div>Sorteo # 2691</div> <div>8789</div> <div></div> <div>Sorteo # 4635</div> <div>4608</div> <div>Aries</div> <div></div> <div>Sorteo # 1509</div> <div>047</div> <div></div> <div>FP</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>100.000,-</div>	
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div> <div>Proximo Jackpot</div> <div>60.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>360.000,-</div>		
<div></div> <div>Afl. 500.000,-</div>		
<div></div> <div>Sorteo #</div>		

Paga bo cuenta online ta facil

Sea

Abonnement

of Aviso



Pago online, facil y lihe

SOL Di Pueblo

Pa hasi pago online pone number y adres na cuenta di banco RBC Sunmax Printing account # 7700000100152447

RONELLA CROES NA SARAH QUITA OFFRINGA: "Sigui briya manera e strea riba nos bandera"




"Pa mi ta un placer pa dirigi mi mes na tur presente, na un ocasion asina special y historico. Mi ta hay'e hasta emocional pasobra ami semper ta kere den honra nos hendenan na bida, en bes di honra e famia ora nan mes no t'ey mas", asina Ronella Croes, CEO di Aruba Tourism Authority a bisa diaranson atardi durante su discurso na ocasion di desvelo di e borchu cu ta indica "Sarah Quita Beach". Oficina di Turismo a pone fondo disponibel pa e proyecto

aki.

"Cu gran honor e ekipo completo di Aruba Tourism Authority, cu ta traha incansablemente teniendo e helicopter view riba henter nos economia, pa promove un balansa entre turismo, medio ambiente, naturalesa y bienestar general di nos ciudadanonan, awe ta toca nos e placer grandi di honra Sarah Quita Offringa, ganado di 25 titulo mundial den e deporte di windsurfing, cu

un beach dedica na dje", di acuerdo cu e ehecutivo na cabes di ATA.

Sarah-Quita Beach ta un ehempel bibo cu memey di nos aki na Aruba, tin talento pa parti. Nos por ta un isla chikto den tamaño, pero nos ta GRANDI den nos ambicionnan, nos logronan y sa cu nos no tin limite den posibilidadnan. Sarah Quita riba su mes ta un fuente di inspiracion pa hopi deportista pero specialmente pa nos hende muhenan. El a demostra



curashi, pero tambe disciplina pa logra kibra su mesun recordnan.

Mas cu tur su logronan for di tempo cu e tabata mucha caba, Sarah Quita a bira un marca eyfo. Mescos cu ora menciona Aruba, tur hende ta pensa riba beachnan blanco den un ambiente tropical, asina ora eyfo menciona Sarah Quita, tur hende ta figura e cabey busha y e beachnan blanco y awa cristalino cu nos so por ofrece. "Y pa esey nos di ATA ta masha gradici y ta sinti nos mes orguyoso di por conta cu un embahador asina pa sigui carga e marca Aruba hiba mas halto ainda", asina Ronella Croes a bisa cu un bos yena di orguyo.

Siendo Aruba renombra pa tin e miho beach den Caribe y un di e mihonan na mundo, claro cu por verwacht tambe cu nos hendenan ta haci bon uzo di e bendicion aki cu Dios a brinda nos, esta solo cayente, bon biento y lama calmo. E ingredientenan cu Sarah Quita ta uza pa sobresali na nivel mundial den windsurfing, ta precisamente loke ta haci Aruba special y ta atrae casi 1.5 miyon bishitante tur aña.

"Y pa nos no lubida di unda nos ta bin y kendenan a contribui pa haci nos isla un marca reconoci mundialmente, awe nos ta celebra apertura oficial di Sarah Quita Beach. Laga e luga aki ta un fuente di inspiracion pa hobennan cu ambicionnan grandi, pa tur cu ta practica e deporte di windsurf y pa cada un ciudadano di e pida baranca aki realisa, cu hopi hende ta inverti sumanan grandi pa bin pasa vakantie y disfruta di e rikesa natural unda nos ta biba. Ban hunto cuid'e, conserv'e y garantiza pa un bon balansa entre desaroyo economico, cuida nos naturalesa, garantizando bienestar general y felicidad di nos hendenan", asina Ronella Croes a bisa den su discurso.

E evento a conta cu presencia di varios minister, parlamentario y demas invitadonan. Caranan contento y satisfecho pa e dedicacion special aki na nos hendenan.

"Sarah Quita masha pabien y sigui briya, manera e strea riba nos bandera", asina Ronella Croes a conclui su discurso.

Nos ta cla pa e IBiSA Kids Run and Olympic Day Celebration 2025!



Tur cos ta cla pa e evento unda nos ta celebra e dia Olimpico! Dia 21 di juni proximo dilanti di e cas di Comité Olimpico Arubano, unda mas di

750 mucha lo participa na e IBiSA Kids Run ademas di tin un tremendo "showcase" di un gran cantidad di deportenan cu lo ser presenta door

di nos federacionnan miembro! Nos ta conta cu boso pa bin apoya nos muchanan y bin celebra cu nos e dia Olimpico. #TEAMARU

Parlamentario Sevinger: CU TRANSPARENCIA Y RESPONSABILIDAD TA MUESTRA RESULTADO TRAS BISHITA NA MERCA

ORANJESTAD (27 di mei 2025) – Durante un rueda di prensa tocante e reciente bishita oficial di un delegacion parlamentario na Washington D.C., honorabel miembro di Parlamento Stephany Sevinger a pone enfasis riba e necesidad di transparencia y claridad den loke ta e trabou di un parlamentario, con ta hustifica e gasto di fondo publico y e desaroyonan mas reciente den e relacionnan strategico cu Merca na bienestar di Aruba.

“Mi kier habri e rueda di prensa aki papiando tocante transparencia,” segun Sevinger. “Mi a tuma nota cu hopi articulo a sali e siman aki riba nos biahenan, specialmente e di Comision di Relacion Norte Americano. Nos ta un Parlamento nobo, un Parlamento cu ta kere den transparencia, y nos ta kere cu pueblo mester sa unda ta inverti – tanto den nos como Parlamentarionan, como den nos partido.” E comision ariba menciona ta uno cu apenas a crea ocho aña pasa. Sevinger a duna claridad riba e contenido di e bishita: e delegacion a keda 6 dia na Washington D.C., bao coordinacion di e Minister Plenipotenciario Zulema Dabian, kende a prepara un programa completo cu reunionnan durante henter dia. Den e prome dia a topa cu representante di e Departamento di Homeland Security, unda a discuti e tema e crucial di pre clearance. “Aruba ta un di solamente 6 pais cu tin pre clearance pa border control pa Merca – esaki ta



un posicion strategico pa nos isla,” segun Sevinger. E parlamentario ta destaca cu e relacion cu Merca ta fundamental pa Aruba. “Cerca di 60% di nos comercio ta cu Merca, 80% di nos turista ta bini for di Merca, y nos cultura turistico ta basa fuertemente riba influencia Mericano. Esaki ta muestra cu Merca no ta simplemente un pais ‘aliado’, pero un partner clave den desaroyo y sostenibilidad di Aruba.” Ademas di turismo y comercio, e delegacion a toca tambe topiconan relaciona cu educacion y cultura. “Nos tin mas di 100 estudiante Arubiano ta studia actualmente na Merca. E lasonan educativo y cultural cu Merca ta habri porta pa oportunidad pa nos hubentud y ta fortifica nos posicion den e Caribe,” segun Sevinger. “Dus den manera general mi por bisa cu mi lo kier duna pueblo di Aruba por escrito un rapport completo di kico nos a haci y kico e biahe aki ta

significa. Nos a mira cu Aruba ta un isla, nos ta isola, nos ta chikito, nos ta forma parti di Reino Hulandes berdad cual ta un gran apoyo, pero con cu bay bin, relacionnan internacional ta hopi importante pa desaroya nos pais na e nivel cu nos kier wak e yega algun dia,” e parlamentario a declara. Tambe a haci un yamada pa mantene transparencia continuo: “Cabando kinan mi kier bisa cu tin hopi cos ainda cu nos por sigui traha riba dje. Mi lo sigui informa e pueblo cada bes cu tin un biahe. Nos portanan ta habri pa cualke pregunta, pasobra transparencia ta algo cu nos ta para pe, y nos lo sigui duna pueblo cuenta di kico nos ta haci ora nos sali fo’i Aruba.” Parlamentario Sevinger ta confirma su compromiso pa sigui traha den claridad, transparencia y respet pa e pueblo Arubano. “E pueblo tin derecho pa sa loke nos ta haci, y nos lo sigui comparti loke nos ta logra, den nomber di e pueblo cu nos ta sirbi.”

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

FORTALEZA PA FAMILIA

Scirbi pa Pastor Marcel Balootje.

TA UN GRAN BENDICION

ORA NOS HOGAR COMPLETO TA

DEN SENJOR

Pomesa di Dios ta si y amen, tur locual Dios priminti Dios ta cumpli, e palabra di Dios ta eterno. Cielo y tera lo pasa ma e palabra di Dios lo permanece pa semper.

Locual Dios a uni no laga ningun hende separa, y tambe locual Dios a bendiciona ningun hende no por maldiciona.

Hopi biaha hende ta preocupa cu nan situacion financiero, kico nan tin of kico nan no tin.

Famia ta cuminsa pleita pa herencia, y hende kier dicidi kico lo sosode mayan cu Dios kier, manera nan tin pura pa nan grandinan muri y hopi biaha por resulta cu nan ta bay prome cu nan grandinan.

Ta cosnan cu tur dia bo ta tende, por ehempel laga nos dicidi awor pasobra bo no nunca sa kico por pasa, laga nos pone tur cos preto riba blanco, pa majan cu Dios kier, tal hende no keda cu tur cos, of no bisa cu tal cos ta di dje.

Hende kier segura nan bienestar terenal mas cu

nan ta interesa pa segura nan bida den Cristo Hesus.

Ta un promesa grandi locual ta para scirbi den Mateo 18:19-20 bisando:

Atrobe mi ta bisa boso, cu si riba tera dos di boso bay di acuerdo tocante di cualkier cos, cu nan pidi, esaki lo wordo haci pa nan, door di Mi Tata cu ta den cielo.

Pasobra caminda dos of tres reuni den Mi nomber ey mi ta meymey di nan.

Esaki ta un promesa general pa tur hende cu ta uni den oracion, tur esnan cu ta pone e boluntad di Dios na prome lugar den nan bida, tur esnan cu ta biba cu temor di Dios, y ta anhele di mira e poder di Dios wordo manifesta den nan bida, nan hogar y nan famia.

No tin nada mas grandi, ora un famia completo ta entrega nan bida na Cristo Hesus, ora den cas ta reina un ambiente Cristian, caminda respet, amor, norma y balor ta prevalece, caminda no tin falta di pordon, pero cu tur hende sa cu mester

stima Dios riba tur cos y stima bo prohimo manera bo mes.

Esey no ta algo facil pa logra, pero cu esfuerzo y perseverancia tur cos ta bini na lugar.

Tur cos ta cuminsa na un hende, y e testimonio di uno cu ta den Senjor ta pone e otro kere y uni nan mes cu otro den Senjor.

Pasobra salvacion ta personal, y nos tur mester duna cuenta un dia na Senjor.

Y nos como mayor no por



duna cuenta na Dios pa nos yunan ta nan mes mester hacie.

Ora Cristo bini, ta cada ken mester ta cla pa bay cune, pasobra Cristo ta e unico Mediador entre Dios y hende. Cu Cristo nos por tur cos, sin Cristo nada no por wordo haci.

Pesey Juan 3:16 ta splica nos cu ken cu kere den Cristo lo ta salba, pero tur esnan cu no kier kere, of pa un of otro motibo no kier kere lo ta condena, pasobra nan a prefera

scuridad di mundo enbes di e lus di Cristo.

Pero no laga nos lubida e gran aviso cu ta para scirbi den Juan 3:36 bisando; Esun cu ta kere den eYiu tin bida eterno, ma esun cu no obedece e Yiu no tin bida, ma e furia di Dios ta keda riba dje.

Awor ta keda na nos sabiendo tur esaki pa como mayor cu yudansa di Dios y Su Spirito Santo nos trece nos hogar completo na Cristo Hesus.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo